

فضائل الصحابة

الحمد لله. أشهد أن لا إله إلا الله. وحده لا شريك له. وأشهد أن محمدا عبده ورسوله
صلّ الله عليه وسلم. اما بعد ..

اهلا ومرحبا بكم في اللقاء الأول. من سلسلة جديدة نفتتحها. بعد ما تكلمنا في سيرة
النبي عليه الصلاة والسلام. اشتاقت القلوب للسمع عن أصحاب النبي عليه الصلاة
والسلام. بعد ما تعرفنا على رموز كثير منهم السيرة وتصورنا كمان بعضهم بعد ما
شفنا مشهد او مشهدين في حياتهم باتت القلوب مشتاقه كما كانت مشتاقه إلى نهاية
سيرة النبي عليه الصلاة والسلام ،بل فتحت لنا السيرة أفاق رهيبه من أسماء أول مرة
نسمعها وصحابة يمكن كثير يقولك أنا عمري ما سمعت كمية الأسماء دي من
الصحابة ياريت تحكي لنا قصة كل واحد لوحده...

كان فكرة جميلة واقترح طيب وعزمت بفضل الله سبحانه وتعالى إن انا أعمل
الموضوع دا وأبدأ في قصص بعض الاصحاب الكرام رضي الله عنهم وأرضاهم. وإن
كانت لي وجهة نظر في الباب دا وطبعاً هم كثير قوي يعني لو قعدنا في السلسلة دي
هتطول جدا. ودايما بيبدأ فترة الصحابة بيبدأ طبعاً بالصحابة الكبار طبعاً أبو بكر
وعمر وعثمان وعلي والعشرة وبعد كده يبدأ بالمشاهير وهكذا.

وعقبال ما نخلص من دول يعني يبقى الموضوع طول جدا. فأنا أخشى إن أحنا
منقדרش.. أخشى إن إحنا ننشغل بحاجة تانية أخشى إن العمر ميسمحش وفي العادة
في صحابة كثير مش بيحي سيرتهم كثير في السيرة او هم مش مشاهير أصلاً.. وكثير
من الصحابة المشاهير كثير منكم عدوا علينا وشفنا تفاصيل كثير في السيرة بتاعتهم
زي أبو بكر وعمر وعثمان وعلي رضي الله عنهم جميعاً. أو خدنا يعني جزء كبير من
حياتهم. فلو أنا عايز أقول مثلاً سيره زي ابو بكر الصديق لازم أعيش السيرة كلها دا
إن هو موجود في كل المسائل. لو عايز أقول سيرة سيدنا عمر يبقى سيدنا علي بن أبي
طالب لازم نقول السيرة كلها من الأول.. يعني نكتفي باللي عرفناه في السيرة مؤقّتاً من
سيرة هؤلاء الصحابة المشاهير الكرام وخلينا ندي فرصة في السلسلة دي بالذات
لصنفين من الصحابة الكرام...

الصنف الأول: مشاهير لكن مش بيحي لهم مواقف كثير في السيرة زي مين مثلاً؟
زي ابن عباس مثلاً رضي الله عنه

مشهور جدا بس كده هو كان صغير طبعا في مراحل النبي عليه الصلاة والسلام يمكن تفتكروا يعني بدايتها بتبان بعد موت النبي عليه الصلاة والسلام فهو مهضوم حقه لإن لهم في مواقف كثير في حياة النبي عليه الصلاة والسلام من ذلك أبو هريرة مثلا...

✓ أبو هريرة رضي الله عنه وأرضاه أسلم او يعني وصل للنبي عليه الصلاة والسلام سنة السابعة من الهجرة فبرضو القصص بتاعته كثير فمحتاجين برضو نبرز هذا الصحابي المشهور.

✓ أبو ذر الغزالي مشهور برضو بس تحس إن أنت مشفتوش لوحده أو متذكرش في مواقف كثير وهكذا.. هنلاقي كثير من المشاهير لكن بتحس إن أنت مسمعتش اسمه كثير اثناء السيره، من كثر الأحداث صعب إن السيره تجيب كل واحد عمل ايه بالظبط. فدل لازم ياخدوا معنا مساحة

الصنف الثاني: من الصحابة اللي عاوز اتكلم عليهم وهم غير المشاهير الى هو مش مشهور أصلا يعني فضلا إن هو يكون اذكر في السيرة كثير وأصلا مش مشهور والناس مبتسمعش اسمه كثير في السيرة زي مثلا جليبيب مثلا او مسبحه بن ثور رضي الله عن الجميع وغيرهم يعني ممكن هتلاقي فيه أسماء كثير من الصحابة ممكن أنت نفسك أول مرة تسمع الاسم دا..

فهندي بقي مساحة للصحابة المشاهير في السيرة أو الصحابة الغير مشاهير

ولو طال بنا العمر وسمحت الفرصة هنرجع تاني للمشاهير ونعطيهم بقي مساحتهم وحقهم خلينا نعطي الناس اللي مخدوش حقهم دائما في الحكايات ياخدوا فرصتهم عشان إحنا نتعرف عليهم طبعا. طيب ليه احنا بقي بناخد عموما أصل الصحابة؟ اكيد طبعا اللي سمع السيرة معي مش محتاج إجابة على السؤال دا. التأثير الخرافي لأصل الاصحاب علينا. انتم عارفين احيانا إن قادة الاصحاب يعني ممكن تأثيرها فيك. يمكن أكثر من أحيانا موقف للنبي عليه الصلاة والسلام نفسه. ليه؟ أحيانا الواحد بيقول لنفسه يعني النبي عليه الصلاة والسلام يعني مؤيد بالوحي معصوم والكلام دا. وطبعا له مواقف رهيبة رائعة راقية جداً، أنت بتستغرب بقي إن كل الجيل كده يعني دول مثلا الصحابة اللي هي اللي شبها مش شبها برضو. طبيعي يبقى في حد شبها في الجيل دا، الجيل كله رائع. يعني خد مواقف المشاهير، كبير الصغير...

فبتكتشف إن كل المواقف مبهرة أنت المفروض إن انا بنافس دول يعني دول يعتبروا طبعا جيل الصحابة ده مسلمين زينا فالمفروض انا بنافس بقي مع الاجيال دي يبقى ازاى يا جماعة حركتهم ازاى فانت اللي بتعمله إن انت بتاخذهم قدوة على طريقتهم وبتحبهم قوي. لعل ربنا يسترها معاك وتدخل الجنة بحبك لهؤلاء الصحابة. أنت مش تعرف توصلهم أبدا يعني...

لذلك لما جاء الاعرابي إلى النبي عليه الصلاة والسلام قال يا محمد متى الساعة؟ يا محمد متى الساعة؟ فقال وماذا اعددت لها؟ فقالت الصحابي الاعرابي ما اعددت كثير صلاة ولا صيام. ولكني أحب الله ورسوله. **وقال النبي عليه الصلاة والسلام (المرء مع من أحب يوم القيامة)**

أنس كان حاضر المشهد دا. (فقال والله ما فرحت بعد إسلامي بحديث. كما فرحت بهذا الحديث. فإني أشهد الله تعالى نتمنى يعني انا في الزمن دا اتمنى أقرب منه بس. لأنه يشهد الله تعالى. اني أحب رسول الله صل الله عليه وسلم وحبا بكر وعمر وعثمان وعلي. وأرجو أن أكون معهم يوم القيامة) يعني سيدنا انس بيقول يارب ابقي أبو بكر وعمر يوم القيامة

عمر وعثمان وعلي بحبه. فإحنا أصلا نتمنى إن نقرب من سيدنا أنس نفسه فحبيبهم ازاي إلا لو اتعلمت سيره.

ناس كثير جدا بعد سيرة النبي عليه الصلاة والسلام. قالو فعلا إحنا بنحب الصحابة. يعني على وضعهم القديم مكنوش يعرفوا حاجة.. **متخيل إن في واحد مكنش يعرف سعد بن معاذ كيف يعني؟** شخصية زى دي ازاي حد ميعرفهاش، وأنا كنت أعرف إن له رجالا في ناس متعرفش سعد بن مالك ولا تعرف أسعد بن زراراة ولا كنت تعرف إن في مثلا الصحابة تانيين فعلا بيبقى ميعرفوش كثير يمكن أنت عارف الاسم لكن لسه الناس ميعرفوش على أساس انت عرفت ايه؟ ده انت لسه بعد ما تعرف الاسم هنبتي نقرا ونعرف السيرة عشان يارب تعرف تجيبهم. عشان ربنا يكرمك إن أنت جاي يوم القيامة تعمل ايه؟ مش أنت اصلا بتقول يارب احفظني مع الصحابة وأنت مش عارف إسمهم اصلا. فضلا عن إحنا جايين هنا نتعلم سيرة الأصحاب **لكذا سبب:**

1. لان هؤلاء خير الناس بعد الأنبياء بلا خلاف. خير الناس بعد الأنبياء الصحابة بل الصحابة هم خير اتباع أنبياء يعني لا يوجد أصحاب لنبي ليسوا كأصحاب محمد صل الله عليه وسلم بكلام ربنا. **ربنا قال (كنتم خير أمة أخرجت للناس). وقال (وكذلك جعلناكم أمة وسطا). النبي عليه الصلاة والسلام قال (خير الناس قرني، ثم الذين يلونهم ثم الذين يلونهم).**

وبالتالي أصحاب النبي عليه الصلاة والسلام مش خير الناس في الامة. هم خير القرون مطلقا. يعني أفضل من أصحاب موسى عليه السلام قطعاً وأفضل من أصحاب عيسى عليه السلام قطعاً. قال عيسى عليه السلام كان في خير كثير طبعاً وكل حاجة بس تخيل قال لسيدنا عيسى (هل يستطيع ربك أن ينزل علينا مائدة من

السماء) تخيل النبي يقولهم اتقوا الله إن كنتم مؤمنين حصل منهم نوع من الطلبات يعني محصلتش من الصحابة الكلام ده.

وطبعا أصحاب موسى عليه السلام حصل منهم حاجات كتير. كان فيها مشكلة. (قالوا لن نؤمن لك حتى نرى الله جهرا) (لم نصبر على طعام واحد) يعني حتى يوم ما ذهبوا للقاء الله قال تعالى (واختار موسى قومه سبعين رجلا) ملقاش غير سبعين واحد كويسين. (سبعين رجلا لميقاتنا فلما اخذتهم الرجفة) كمان اخذتهم الرجفة. (واختار موسى قومه سبعين رجلا لميقاتنا فلما اخذتهم الرجفة قال رب لو شئت أهلكتهم من قبل وإني أئتيك بما فعل السفهاء منا) يعني يوم ما نقى أفضل ناس عنده مطلقش غير سبعين.

أفضل ناس عند الصحابة الكرام الجيل كله رهيب. يكفي يقولك إنه حضر صلح الحديبية الف وربعمية واحد. ربنا قال (لقد رضي الله عن المؤمنين إذ يبايعونك تحت الشجرة) تحت الشجرة ده كان فيه ألف وربعميت واحد دول اللي ربنا فال دول اعلى فئة اللي هم أسلموا من قبل وآمنوا قبل صلح الحديبية وبعد صلح الحديبية بردو الناس اللي أسلموا بعد صلح الحديبية عاليين. ربنا قال في سورة الحديد قال (لا يستوي منكم من أنفق من قبل الفتح وقاتل). اللي هو صلح الحديبية (أولئك أعظم درجة من الذين أنفقوا من بعد وقاتلوا وكلا وعد الله حسنا)

يعني إذا كل الصحابة بشهادة الله سبحانه وتعالى موعودين بالجنة. الصحابة دول كام واحد؟ العدد مهول. عدد مهول لذلك اللي فتح مكة بس اتناشر الف. اتناشر الف اللي فتحوا مكة. وبعد كده أسلموا في الفتح واللي كان بعد الفتح متعديش بقى أعداد لا يعلمها إلا الله. النبي عليه الصلاة والسلام تحدث في خطبة الوداع حج معاه مية وعشرين ألف كل دول أكابر. يعني حاجة رهيبة. جيل غريب أنا بتكلم دلوقتي في أفضل جيل انجبهته البرية بعد الأنبياء. دي نمره واحد. نمره اتنين إن أنا بجد فيهم الاسوه والقدوه واحد صالح. عندك الصحابة. خش صاحبهم في الكتب. خش اتعرف على سيرتهم. وخلي دول أصحابك. وعيش معهم. أنا أعرف ناس فعلا من ساعة ما سمعوا السيرة معي بفضل الله. يقولك أنا خلاص أنا حاسس ان أنا عايش مع أصحابه أنا قاعد ذول النهار بفكر فيهم وبحلم بيهم بكلمهم أنا خلاص حاسس ان أنا عايش في غزوات وعایش في زمن النبي عليه الصلاة والسلام بقي مستأنس بقي مش حاسس إنه قاعد لوحدي أنا أحلي وقت معايا اقفل عليا الباب واشغل بقي السيرة او الصحابة او الكلام ده وانساني بقي، أنسي صحابي انسى الدنيا هم دول أصحابي. فلو أنت استوحشت من الناس فعليك بسيرة النبي عليه الصلاة والسلام. وعليك بقصص الأصحاب ولا كأني في حد في الدنيا. ودول يكفوك والله لو قعدت صاحبهم ليوم القيامة كفاية. ناس لا هتسمع منهم كلمة ولا غيبة ولا سجاره ولا شتيمة ومش هتاخذ

منهم إلا كل خير، لا أنا قعدني مع دول الصحبه دى بالدنيا واللى فيها والله دى صحبه صالحه مفيش زى صحبه الصحابة لو ملقتهاش على الأرض تكفيك صحبتهم في المرئيات والصوتيات والكتب صاحبهم إلى أن تلقى الله

طبعاً رقم ثلاثة حان الوقت لتبديل القدوات. حان الوقت لنعرف من هم القدوات الحقيقيون. تمام؟ إحنا ي جماعة عايشين في وهم الابطال. وهم الكبار اي حد برضه يرجع تاني. اي حد قبل ما يدرس السيرة مع بعض كان لسه عايش في وهم إن الابطال بقى اللي هم لعبة الكورة ابطال الرياضة حتى عموماً يعني والابطال اللي في الألعاب الرياضية دا فلان اللعيب ده يعني يلعب كورة وعنده اربعين سنة. ده بطل جامد جداً وبص فلان ده كسر الرقم القياسي في قد اي عمل ايه؟ فضلاً بقى عن الممثلين والمغنيين والابطال اللي في الافلام والمهرجانات والكلام دا فضلاً عن ممكن حاجات بتبقى بسيطة جداً بيعملها ويقولك دى مواقف رهيبه بص عمل اي ودا موقف إنساني ونقعد نحكى عليه كثير بقي بص الفنانة دى تصدقت ب اي .. ونقعد نتكلم عليه بدون داعي رغم الست اللي عملته دا يا جماعة كل ده نقطة نقطة في بحر اي صحابي. قلت انت بتقول حاجة تانية. دا اللي الصحابي بيعملوه في يوم بنعمله ف جيل بحاله واللى جيل بتاعنا ممكن يعملوه، الصحابي يعملوه في يوم، وساعتها بتتهدم عندك كل القدوات وبتردم على كل الكلام اللي ملوش لزمه دا اردم اردم على كل الكلام دا وأسس بقى قدوات جديده وحط رموز مختلفة. وانا قلت لكم الكلام ده للناس اللي في اللايك يجاوبوا عليا لو حضرت السيره وبعد ما سمعت السيرة فتجد نفسك لا تتحمل لا تتحمل حرفياً إنك تتفرج على المسلسلات او أفلام. مهما كان قلبك متعلق بالأفلام والمسلسلات. تمام، انت قاعد طبعاً ايه القرف ده؟ ايه ده يعني؟ والواحد بعد ما سمع سيرة الصحابة، الكلام ده مش هيملى عينك خلاص. يعني السيرة فسدت عليك الافلام والمسلسلات. اللي بتتفرج عليه مش لاقيه، مش مستنى تتفرج الحلقة. خلاص انت اتمليت اي كلام مش هيعجبك حتى لو حقيقي. انت كنت فاضي إي هلس اي قمامه هتتحط انا اسف يعني لكن بعد السيره انت خلاص اتمليت وبقي معايا بضاعة نضيفه ومش عايز البضاعة بتاعتكو دى وبالتالي خلاص بقي البطولات الهايفه مبقتش شايف بقي البطولات الهايفه اللي احنا بنسمع عنها دي فين ده يا جماعة؟ ده يوم من حياة سعد بن معاذ ببطولات أجيال أجيال متتابعة أنت دلوقتي حطيت قدوات جديدة بنتفرج على قصص الصحابة السبب الرابع علشان نحبههم لان حب الصحابة دين وإيمان، والنبي عليه الصلاة والسلام بيقول عن الانصاري ده بس بيقول حب بيقول آية الإيمان حب الانصار، وآية النفاق بغض الانصار، تمام؟ آية الإيمان الإيمان حب الانصار وآية النفاق بغض الانصار ده من الايمان حب الصحابة اذا كان ده الأنصار أومال

المهاجرين، والمهاجرين أعلى من الانصار وأفضل من الانصار، ودول اللي هيتأسس عليهم الدين تمام؟ فحاجة فلانم احبهم فحبهم ازاي غير لما اتعرف عليهم؟ وأنا ايه اللي مخليني قاعد بحب في لعب ومغني؟ عشان انت فاضي اساسا أنت اول ما تعرف الأصحاب كل دا هيتلغى هتتعرف يعني ايه الحب الحقيقي هتتعرف مين المفروض تعيش معاه.

٥. بنتعرف على قصص الصحابة لكي نعرف الطريق الصحيح دايما احنا بنقول إن بعد جيل الصحابة حصلت البدع، بدع بقى الشيعة والمعتزلة والقدرية والخوارج فدايما احنا بنقول عايزين نرجع للدين الصح ايه الدين الصح؟ الدين الصح هو ما كان عليه النبي صلى الله عليه وسلم والصحابة الكرام، طب ايه هو بقى اللي كان عليه النبي ﷺ والصحابة الكرام؟ معرفش!

يبقى لازم تعرف ترجع الى ما كانوا عليه تعرف احوالهم في العقيدة في العمل في السلوك في الاخلاق في الافكار في التصورات تعرف السنة من البدعة من هديهم تمام وبالتالي معرفة قصص الصحابة تساوي معرفة الطريق؛ لأن ربنا قالنا في سورة البقرة:

{فَإِنْ ءَامَنُوا بِمِثْلِ مَا ءَامَنْتُمْ بِهِۦ فَقَدْ ءَاهْتَدَوْا ۖ وَإِنْ تَوَلَّوْا فَإِنَّمَا هُمْ فِي شِقَاقٍ فَسَيَكْفِيكَهُمُ ٱللَّهُ وَهُوَ السَّمِيعُ ٱلْعَلِيمُ} [البقرة: 137]

"آمنتكم به" كان ربنا بيكلم مين؟ هو مين موجود غير الصحابة؟ يبقى ربنا جعل إيمان الصحابة هو الايه؟ هو المعيار المعيار اللي اي حد بعده بيقس عليه ايمانك زي من الصحابة؟ تمام؟ يبقى انت تمام. خالفتم في حاجة من مسائل العقيدة يبقى انت مبتدع على طول؛ لأن ربنا قال اللي مؤمن بجد هو اللي إيمانه زيهم فإن امنوا بالمثل بالمثل ما امنتم به فقد اهتدوا وان تولوا فإنما هم في شقاق. شوفت بقى، ربنا قال عن الصحابة في سورة الفتح قال:

{وَأَلَزَمَهُمْ كَلِمَةً ٱلتَّقْوَىٰ وَكَانُوا أَحَقَّ بِهَا وَأَهْلَهَا} [الفتح: 26]

يبقى دول اهل التقوى يبقى انا لما اعرف هديهم سيرتهم يبقى انا كدا على الطريق المستقيم. فإذا معرفة الصحابة السبب الخامس لكي نعرف الطريق ونعرف السنة ونعرف الدين الصحيح.

٦. نتعرف على الصحابة لكي ننشط في الدفاع عنهم، ولكي نعرف حجم المصيبة والكارثة التي تسمى بدعة سب الصحابة طول عمرك هتفضل طول عمرك هين ولين وعندك تصالح مع مبتدعة بيسبوا الاصحاب لغاية ما تعرف الصحابة بجد ساعتها تعرف يعني ايه أن تبغض في الله من يسب اصحاب النبي عليه الصلاة والسلام، الصحابة هيبقوا بالنسبة لك أحب إليك من أبليك وأأمك هتتعرف ساعتها

لما تسمع أن الشيعة يبسبوا الصحابة مش هتستحمل اصلا الكلمة يعني ايه يعني ايه حد يسب الصحابة يعني ايه يحصل كده ده انتوا مجانين ولا ايه؟ تغضب لله، لكن تلاقي الناس تقولك يا عم مش مشكلة والتقارب بين السنة والشيعة ودول اخوانا ومسلمين وبتاع.

يا عم ببسبوا الصحابة! ماشي بقى عادي كده مش هتعرف حجم الكارثة أنت متخيل يعني ايه واحد يسب أبو بكر؟ انتوا حضرتوا السيرة دلوقتي أنت متخيل لما تسمع واحد ببسب سيدنا عمر بعد اللي أنت عرفتوا عن سيدنا عمر أنت متخيل ودانك تبقى عاملة ازاى؟ أنت لو شوفته قدامك هتضره يعني إيه واحد يسب سعد بن معاذ يعني؟ يعني إيه حد يسب أبو دجانة مثلا؟ الكلام دا غير مقبول، ولا يمكن التصالح مع الموضوع دوت ولا يمكن التقارب بينا وبين حد ببسب الأصحاب، وليس لهم في قلوبنا إلا البغض تمام والانتصار للصحابة واجب، والدفاع عن هذا المنهج واجب، وفض منهج الشيعة واجب. يبقى امتي الإنسان ينتصر لكده؟ لما يعرف يعني ايه أصحاب، ينشط لذلك.

نمرة سبعة آخر حاجة معرفة قصص الأصحاب بتحبي فينا العزة وبنعرف ان احنا يعني كان لنا زمان طويل كنا في عزة عزة لما تشوف الصحابة وقصصهم وقصصهم بعد كمان موت النبي عليه الصلاة والسلام والخلافة الراشدة هتقول هتشتاق إلى هذا الزمان هتعرف إن أنت ليك أصول عظيمة وجيل فريد وتاريخ مجيد وما زلنا كنا وما زلنا أعزة، ولكن للأسف لما ضيعنا سبب عزتنا ضاعت منا العزة تسمع الحاجات دي تطيب خاطرك شوية تشوف ذل المسلمين دلوقتي وبعدهم عن الدين تقول يعني متى نرجع الى ما كان عليه الصحابة حتى ترجع الينا هذه العزة؟

لذلك يقول الشاعر هاشم الرفاعي في ديوانه يقول:

مَلَكْنَا هَذِهِ الدُّنْيَا قُرُونًا

وَأَخْضَعَهَا جَدُودُ خَالِدُونَا

وَسَطَرْنَا صَحَائِفَ مِنْ ضِيَاءِ

فَمَا نَسِيَ الزَّمَانُ وَلَا نَسِينَا

حَمَلْنَاهَا سِوْفًا لِامْعَاتِ

غَدَاةَ الرُّوْعِ تَأْبَى أَنْ تَلِينَا

إِذَا خَرَجَتْ مِنَ الْأَغْمَادِ يَوْمَا

رَأَيْتَ الْهَوْلَ وَالْفَتْحَ الْمَبِينَا

وَكُنَّا حِينَ يَرْمِينَا أَنْاسٌ
نُؤَدِّبُهُمْ أَبَاةً قَادِرِينَ
وَكُنَّا حِينَ يَأْخُذْنَا وَلِي
بَطْغِيَانٍ نَدُوسُ لَهُ الْجَبِينَا
تَفِيضُ قُلُوبُنَا بِالْهَدْيِ بِأَسَا
فَمَا نُغْضِي عَنْ الظُّلَمِ الْجُفُونَا
وَمَا فَتَى الزَّمَانُ يَدُورُ حَتَّى
مَضَى بِالْمَجْدِ قَوْمٌ آخَرُونَا
وَأَصْبَحَ لَا يُرَى فِي الرِّكَبِ قَوْمِي
وَقَدْ عَاشُوا أَيْمَتَهُ سَنِينَا
وَأَلْمَنِي وَأَلَمَ كُلٌّ حَرٍ
سؤالُ الدهرِ: أينَ المسلمونا ؟
تُرى هل يرجعُ الماضي ؟
فإني أذوبُ لذلكَ الماضي حنينَا
بَنَيْنَا حُقْبَةً فِي الْأَرْضِ مُلْكًا
يَدْعُمُهُ شَبَابٌ طَامِحُونَا
شَبَابٌ ذَلَّلُوا سُبُلَ الْمَعَالِي
وَمَا عَرَفُوا سِوَى الْإِسْلَامِ دِينَا
تَعَهَّدَهُمْ فَأَنْبَتَهُمْ نَبَاتًا كَرِيمًا
طَابَ فِي الدُّنْيَا غَصُونَا
هُمْ وَرَدُوا الْحِيَاضَ مَبَارِكَاتٍ
فَسَالَتْ عِنْدَهُمْ مَاءٌ مَعِينَا
إِذَا شَهِدُوا الْوَعْيَ كَانُوا كُفَمَاةً
يَدْكُونُ الْمَعَاقِلَ وَالْخُصُونَا

وَإِنْ جَنَّ الْمَسَاءُ فَلَا تَرَاهُمْ
مِنَ الْإِشْفَاقِ إِلَّا سَاجِدِينَ
شَبَابٌ لَمْ تُحْطَمِهُ اللَّيَالِي
وَلَمْ يُسَلِّمْ إِلَى الْخَصِمِ الْعَرِينَا
وَلَمْ تَشْهَدْهُمْ الْأَقْدَاحُ يَوْمًا
وَقَدْ مَلَأُوا نَوَادِيهِمْ مُجُونَا
وَمَا عَرَفُوا الْأَغَانِي مَائِعَاتٍ
وَلَكِنَّ الْعُلَا صَيَّغَتْ لُحُونَا
وَقَدْ دَانُوا بِأَعْظَمِهِمْ نِضَالَا
وَعِلْمًا، لَا بِأَجْرِئِهِمْ عِيُونَا!
فَيَتَّحِدُونَ أَخْلَاقًا عِذَابًا
وَيَأْتَلِفُونَ مُجْتَمَعًا رَزِينَا
فَمَا عَرَفَ الْخِلَاعَةَ فِي بَنَاتٍ
وَلَا عَرَفَ التَّخُنُّتَ فِي بَنِينَا
وَلَمْ يَتَشَدَّقُوا بِقَشُورِ عِلْمٍ
وَلَمْ يَتَقَيَّبُوا فِي الْمُلْحَدِينَا
وَلَمْ يَتَبَجَّحُوا فِي كُلِّ أَمْرٍ
خَطِيرٍ كَيْ يَقَالَ مَثْقَفُونَا
كَذَلِكَ أَخْرَجَ الْإِسْلَامُ قَوْمِي
شَبَابًا مُخْلِصًا حَرًّا أَمِينَا
وَعَلَّمَهُ الْكَرَامَةَ كَيْفَ تُبْنَى
فِيَأْبَى أَنْ يُقَيَّدَ أَوْ يَهُونَا
دَعُونِي مِنْ آمَانٍ كَاذِبَاتٍ
فَلَمْ أَجِدِ الْمُنَى إِلَّا ظُنُونَا

وهااتوا لي من الإيمان نوراً

وقووا بين جنبيّ اليقين

أمدّ يدي فأنزع الرواسي

وأبن المجد مؤتلقاً مكينا

فالسيرة وقصص الصحابة بقي هيرجعك بقي للإيه؟ للعز والجمال خلينا النهاردة نتكلم كده على قبل هؤلاء الكرام الاكابر رضي الله عنهم وارضاهم. الذين يعني نالوا شرف الذي ليس بعده شرف فقد اثني عليهم رب العزة سبحانه وتعالى في مواضع يعني كثيرة جدا جدا سبحانه الله، وفي موضع قال الله -تعالى:-

{مُحَمَّدٌ رَسُولُ اللَّهِ وَالَّذِينَ مَعَهُ أَشِدَّاءُ عَلَى الْكُفَّارِ رُحَمَاءُ بَيْنَهُمْ تَرَاهُمْ رُكَّعًا سُجَّدًا يَبْتَغُونَ فَضْلًا مِّنَ اللَّهِ وَرِضْوَانًا سِيمَاهُمْ فِي وُجُوهِهِمْ مِّنْ أَثَرِ السُّجُودِ ذَلِكَ مَثَلُهُمْ فِي التَّوْرَةِ وَمَثَلُهُمْ فِي الْإِنْجِيلِ كَزَرْعٍ أَخْرَجَ شَطْأَهُ فَآزَرَهُ فَاسْتَغْلَظَ فَاسْتَوَىٰ عَلَىٰ سُوقِهِ يُعْجِبُ الزُّرَّاعَ لِيَغِيظَ بِهِمُ الْكُفَّارَ وَعَدَ اللَّهُ الَّذِينَ ءَامَنُوا وَعَمِلُوا الصَّالِحَاتِ مِنْهُمْ مَغْفِرَةً وَأَجْرًا عَظِيمًا} [الفتح: 29]

محمد رسول الله والذين معه يعني الصحابة كلهم

شوف شهادة يبتغون فضلا من الله بسبب الاخلاص، سيماهم في وجوههم الشغل بقي والاجتهاد، وقال الله -تعالى- في حق المهاجرين والانصار:

{لِلْفُقَرَاءِ الْمُهَاجِرِينَ الَّذِينَ أُخْرِجُوا مِنْ دِيَارِهِمْ وَأَمْوَالِهِمْ يَبْتَغُونَ فَضْلًا مِّنَ اللَّهِ وَرِضْوَانًا وَيَنْصُرُونَ اللَّهَ وَرَسُولَهُ أُولَٰئِكَ هُمُ الصَّادِقُونَ} [الحشر: 08]

يا سلام شهادة عظيمة جدا! شهادة بالاخلاص والصدق.

{وَالَّذِينَ تَبَوَّءُوا الدَّارَ وَالْإِيمَانَ مِن قَبْلِهِمْ يُحِبُّونَ مَن هَاجَرَ إِلَيْهِمْ وَلَا يَجِدُونَ فِي صُدُورِهِمْ حَاجَةً مِّمَّا أُوتُوا وَيُؤْثِرُونَ عَلَىٰ أَنْفُسِهِمْ وَلَوْ كَانَ بِهِمْ خَصَاصَةٌ وَمَن يُوقِ شَحْنَ نَفْسِهِ فَاُولَٰئِكَ هُمُ الْمُفْلِحُونَ} [الحشر: 09]

شهادة لهم.. بص يعني بص من أعجب الآيات اللي ربنا تكلم فيها عن الأنصار هي الآية ديت ليه؟ لأن ربنا قال "والذين تبوأوا الدار والايمان" يعني ايه تبوأوا الدار والايمان؟ تبوأوا الدار اللي هي المدينة، والايمان يعني ايه الايمان؟ الايمان يعني عارف يعني ايه تبوأوا الايمان؟ احنا دائما نقول ايه يقولك ايه انا جوايا ايمان جوايا ايمان صح؟ ربنا بيقول لا الأنصار هم اللي جوا الايمان يعني يعني تبوأوا الدار والايمان يعني شبه الايمان بالدار. تخيل واحد يخش جوا الدار الأنصار مش الايمان دخل فيهم لا الانصار دخلوا هم جوا الايمان نفسه. تبوأوا الدار والايمان وصف عجيب للانصار

الصراحة يعني هم اللي هو ايه بقى الايمان بالنسبالهم عامل زي البيت كده هو مابيطلعش منه اصلا هو مبيطلعش منه من كبره هو محوط عليه عامل زي البيت الضخم احنا بنقول يا رب يبقى في قلبنا يعني ايه ذرات من إيمان دول اصلا قاعدين جوا الإيمان نفسه يعني راحوا للإيمان بكله بكماله وقعدوا جواه واستوطنوه تبوأوا الدار والايمان.

ربنا شهد لهم ايضاً إنهم يعني بيحبوا المهاجرين، وعندهم إيثار، وصدق وإخلاص وفلاح ما عندهم مش امراض قلبية "ومن يوق شح نفسه" ربنا ذكر الانصار والمهاجرين ثاني قال:

والسابقون الاولين من المهاجرين والانصار والذين تراهم باحسان رضي الله عنهم ورضوا عنهم جنات. تجري تحتها الانهار خالدين فيها ابدًا. ذلك الفوز العظيم.
ربنا قال:

{لَقَدْ تَابَ اللَّهُ عَلَى النَّبِيِّ وَالْمُهَاجِرِينَ وَالْأَنْصَارِ الَّذِينَ اتَّبَعُوهُ فِي سَاعَةِ الْعُسْرَةِ مِنْ بَعْدِ مَا كَادَ يَزِيغُ قُلُوبُ فَرِيقٍ مِّنْهُمْ ثُمَّ تَابَ عَلَيْهِمْ إِنَّهُ بِهِمْ رَءُوفٌ رَّحِيمٌ•(117) وَعَلَى الثَّلَاثَةِ الَّذِينَ خُلِفُوا} [التوبة: 117&118]

يا سلام! يا سلام! خلاص! خلاص! شهادة والكلام ده فين؟ الكلام ده في سورة التوبة الكلام ده في غزوة تبوك يعني في السنة التاسعة من الهجرة يعني كان كان الصحابة كلهم موجودين وكان غزوة تبوك كان فيها ثلاثين الف صحابي ثلاثين الف صحابي والآيات دي نازلة فيهم لقد تاب الله على النبي والمهاجرين والانصار ادي ثلاثين الف ضمنوا التوبة خلصت. تمام. لقد تاب الله على النبي والمهاجرين والانصار الذين اتبعوه في ساعة العسرة؛ لأن غزوة تبوك كانت صعبة جدا.

{ مِنْ بَعْدِ مَا كَادَ يَزِيغُ قُلُوبُ فَرِيقٍ مِّنْهُمْ ثُمَّ تَابَ عَلَيْهِمْ إِنَّهُ بِهِمْ رَءُوفٌ رَّحِيمٌ•(117) وَعَلَى الثَّلَاثَةِ الَّذِينَ خُلِفُوا} [التوبة: 117&118].

فسبحان الله! ربنا تاب على كل الصحابة، حتى الي تخلفوا عن غزوة التبوك ربنا تاب عليهم كعب بن مالك ومرارة بن ربيعة وهلال بن امية. تمام سبحان الله يعني ربنا قال سبحانه وتعالى قال عن الصحابة الي حضروا صلح الحديبية وبايعوا تحت الشجرة:

{لَقَدْ رَضِيَ اللَّهُ عَنِ الْمُؤْمِنِينَ إِذْ يُبَايِعُونَكَ تَحْتَ الشَّجَرَةِ فَعَلِمَ مَا فِي قُلُوبِهِمْ فَأَنْزَلَ السَّكِينَةَ عَلَيْهِمْ وَأَثَبَهُمْ فَتْحًا قَرِيبًا} [الفتح: 18]

يعني يعني ربنا بيقول انا رضايا ناتج عن علم بما في القلوب مش بظاهر الأعمال بس
لا ده القلوب تمام. فعلم ما في قلوبهم فانزل السكينة عليهم
الله، واثابهم فتحا قريبا.

اللهم بارك النبي عليه الصلاة والسلام بيقول على الناس الي حضروا صلح الحديبية
انتوا عارفين هو اصلا ايه موضوع الشجرة دوت؟ انتوا عارفين صلح الحديبية
الصحابه كانوا عايزين يعملوا عمرة فقريش منعتهم فكان فيه مفاوضة بين بين
المسلمين وقريش منعوهم وقفوهم في الحديبية على على مشارف الحرم، وما
رضيوش يدخلوهم فحصل مفاوضات بين المسلمين وبين قريش فمن المفاوضات
إن سيدنا عثمان دخل في مكة عشان يفافضهم فسيدنا عثمان اتأخر قوي فحصل
ظن إن عثمان اتقتل رضي الله عنه وارضاه، والنبي عليه الصلاة والسلام قال لا ده
لو عثمان اتقتل والله ما نسيبهم ابدًا، وقال للصحابه: من يبايعني على الموت؟

وقال للصحابه من يبايعني على الموت؟ من يبايعني على الموت؟ فبايعه جميع
الصحابه على الموت تحت شجرة الحديبية تمام؟

ربنا قال فيهم ان الذين يبايعونك.. الله، انما يبايعون الله يد الله فوق ايديهم،

{إِنَّ الَّذِينَ يُبَايِعُونَكَ إِنَّمَا يُبَايِعُونَ اللَّهَ يَدُ اللَّهِ فَوْقَ أَيْدِيهِمْ} [الفتح: 10]

وبعد كده قال عليهم:

{لَقَدْ رَضِيَ اللَّهُ عَنِ الْمُؤْمِنِينَ إِذْ يُبَايِعُونَكَ تَحْتَ الشَّجَرَةِ فَعَلِمَ مَا فِي قُلُوبِهِمْ فَأَنْزَلَ
السَّكِينَةَ عَلَيْهِمْ وَأَثَبَهُمْ فَتْحًا قَرِيبًا} [الفتح: 18]

طيب ده رد على الشيعة قاتلهم الله بتقولوا ايه بقى في الالف وأربعمئة واحد الي
ربنا قال بصريح العبارة لقد رضي الله عن المؤمنين اذ يبايعونك تحت الشجرة؟
عارف الشيعة بيردوا يقولوا ايه؟ بيقولوا اه ما هو رضي عنهم ساعتها بس هما بعد
موت النبي عليه الصلاة والسلام كفروا وارتدوا، قاتلكم الله ربنا بيقول فعلم ما في
قلوبهم فعلم ما في قلوبهم ربنا اعلم ما سيكون، ربنا اعلم ما القوم فاعلون، ولو كانوا
سيرتدوا لو كان... يبقى اكيد ربنا يعلم ما كانش هيقول فعلم ما في قلوبهم يبقى لو
علم ما في قلوبهم لو علم ان هما هيرتدوا ما كانش رضي عنه دي آية بتفضل الى يوم
القيامة تتلى... سخافة، الشيعة يعني من أقبح خلق الله.

النبي عليه الصلاة والسلام قال ايه بقى؟ ايوا بقى بص بقى للحديث عشان يقول
برضو رد على الشيعة قال عليه الصلاة والسلام (لن يدخل لن يدخل النار احد ممن
بايع تحت الشجرة لن يلج لن يلج النار احد ممن بايع تحت الشجرة لن يلج) فده

شهادة أنه مش هيخش النار أبداً فالنبي عليه الصلاة والسلام يقول الكلام ده من دماغه ولا وحي؟ وحي. الوحي ده منين؟ من عند ربنا. طب ربنا يقول للنبي عليه الصلاة والسلام قول اوحى له بالمعنى دوت ان ما فيش حد بايع عند الشجرة هيخش النار طب ازاي بقى الشيعة يقولوا ان الصحابة كفروا بعد موت النبي عليه الصلاة والسلام؟ يبقى النبي عليه الصلاة والسلام الكلام ده اللي قاله غلط غلط ومش ممكن يكون غلط لأن دا وحي من الله يبقى كذب الشيعة حين قالوا إن من الصحابة من ارتد بعد موت النبي عليه الصلاة والسلام تمام؟

وربنا يقول على الاصحاب:

{وَكَذَلِكَ جَعَلْنَاكُمْ أُمَّةً وَسَطًا لِتَكُونُوا شُهَدَاءَ عَلَى النَّاسِ وَيَكُونَ الرَّسُولُ عَلَيْكُمْ شَهِيدًا} [البقرة: 143]

طيب لتكونوا شهداء على الناس ربنا رضي بشهادة الصحابة شهادتهم في الدنيا وشهادتهم في الآخرة يعني ايه شهادتهم في الدنيا وشهادتهم في الآخرة؟

الصحابة عشان جيل أحسن جيل في الدنيا دول لو شهدوا لاي حد انه تمام يبقى تمام، ولو شهدوا على اي حد أنه مش تمام يبقى مش تمام دي قلوب صافية نقية عندهم فراسة وبصيرة. النبي عليه الصلاة والسلام قاعد مع الصحابة عادي عدت جنازة عدت جنازة عادي فشهد لها الصحابة بخير قعدوا يقولوا كلام حلو فيها فقال النبي عليه الصلاة والسلام وجبت ثم مرت جنازة فأثنوا عليها شراً فقال النبي عليه الصلاة والسلام وجبت قالوا يا رسول الله ما وجبت؟ قال اما الاول فاثبتتم عليه خيرا فوجبت له الجنة واما الثاني فاثبتتم عليه شرا فوجبت له النار انتم انتم شهداء الله في الارض انتم شهداء الله في الارض تمام؟ لذلك ابن مسعود رضي الله عنه وارضاه وهو بيثني على اصحاب النبي عليه الصلاة والسلام، واسمع النقل البديع

إن الله نظر في قلوب العباد فوجد قلب محمد خير قلوب العباد فاختره واصطفاه للرسالة، ثم نظر في قلوب العباد فوجد قلب أصحاب محمد ﷺ خير قلوب العباد بعد محمد ﷺ فجعلهم لنبيه وزراء وأنصار وأصهار فما رآه المسلمون حسناً فهو حسن، وما رآه المسلمون سيئاً فهو سيء.

يقول اللي الصحابة يقولوا عليه صح يبقى صح، واللي يقولوا عليه غلط يبقى غلط عشان كذا إجماع الصحابة من أقوى الحجج.

أقوى أدلة الشريعة: إجماع الصحابة، أي مسألة أجمع عليها الصحابة دي مسألة لا يمكن ان هي تتبدل ولا تتغير دي عليها أعلى درجات القوة: إجماع الأصحاب.

فما رآه المسلمون حسناً فهو حسن وما رآه المسلمون سيئاً فهو سيء، وأما الشهادة الثانية بقى الي بتنتظر الأصحاب هو انهم سيكونوا شهداء على الناس يوم القيامة تعلمون أن في الحديث النبي عليه الصلاة والسلام يقول اسمعوا الحديث الرائع ده قال: يدعى نوح يوم القيامة. سيدنا نوح يدعى نوح يوم القيامة يقول: لبيك يا رب وسعديك. فيقول: يا نوح، هل بلغت الرسالة بتاعتك؟ فيقول: يا رب نعم، بلغت. فيقال لأمته: هل بلغكم؟ ستُنكر. فيقولون: والله ما أتانا منك من نذير. فيقول الله لنوح: من يشهد لك يا نوح فيقول نوح عليه السلام: محمد صلى الله عليه وسلم وأمته.

الله أكبر الله أكبر. فيقول محمد صلى الله عليه وسلم وأمته. فيأتي الله تعالى بأمة النبي عليه الصلاة والسلام ويقال لهم هل بلغ نوح قومه؟ طبعاً احنا عارفين انه بلغ لأن إحنا قريناها في كتابنا والنبي قالنا أنه بلغ، فنشهد لنوح عليه السلام ونقول: يا رب ايوه بلغ. بلغ امته. والنبي عليه الصلاة والسلام يشهد علينا كلنا إن احنا بنقول كلام ايه؟ كلام صح.

فهذا قوله -تعالى-:

{وَكَذَلِكَ جَعَلْنَاكُمْ أُمَّةً وَسَطًا لِتَكُونُوا شُهَدَاءَ عَلَى النَّاسِ وَيَكُونَ الرَّسُولُ عَلَيْكُمْ شَهِيدًا} [البقرة: 143]

يعني عُدول.

وعن ابي بن كعب قال في هذه الآية: كانوا شهداء على الناس يوم القيامة يشهدون على قوم نوح وعلى قوم لوط وعلى قوم صالح وعلى قوم شعيب وغيرهم أن رسلهم بلغتهم، وانهم كذبوا رسلهم.

سبحان الله، لذلك في بعض الآثار أنه ما من رجلٍ من الأمم إلا يود أنه من أمة النبي ﷺ لأننا شهداء على الأمم يوم القيامة، يعني الامم الثانية لما تشوفنا حتى المؤمنين منهم. يقولوا يا ريتنا كنا من أمة النبي عليه الصلاة والسلام عشان كذا لازم تعرف إن من نِعم ربنا عليك

إن أنت اتولدت بعد بعثة محمد عليه الصلاة والسلام عشان تبقى من أمته عليه الصلاة والسلام، ومما زادني فخراً وتيهاً، وكدت بأخمصي

صوباع رجلي الصغير

قطعوا الثريا

النجم العالي في السماء، وكنت بأخمصي قطعوا الثريا

دخولي تحت قولك يا عبادي وأن صيرتَ أحمد لي نبياً
صلى الله عليه وسلم.

ليه؟ لأن أنت بمجرد ما بقيت من أمة محمد عليه الصلاة والسلام دخلت في حنة
تانية دخلت في حنة تانية دي أمة مرحومة أمة مرحومة.

النبي عليه الصلاة والسلام أخبر عن الأمة ديت قال إن نحن الأمم وأول من
يُحاسب قال أنتم الآخرون الأولون آخر أمة وأول أمة تحاسب، وأول أمة تخش
الجنة، وأخبر إن أهل الجنة مية وعشرين صف. قال امتي ثمانون صفاء، يعني احنا
تلتين اهل الجنة تلتين اهل الجنة من أمة النبي عليه الصلاة والسلام، والأمة ديت
فيها مزايا كثير فيها سبعون الف يدخلون الجنة بغير حساب. النبي عليه الصلاة
والسلام بيقول في الحديث فاستزدت ربي طلبت منه زيادة عن السبعين الف. قال
فأعطاني مع كل واحد سبعين الف. **يبقى في كام واحد هيخش الجنة بغير حساب؟**
سبعين الف في سبعين الف؛ لأن في الرواية سبعين الف مع كل واحد سبعين ألف،
اللهم بارك الله أكبر اسأل الله أن يجعلنا منهم، فخر كبير إن أنت تكون من أمة النبي
عليه الصلاة والسلام أومال بقي أومال الصحابة يعملوا ايه؟

لما خدوا شرف الأمة نفسها وصارت الصحبة احنا اصلا مجرد ما أننا من الامة دا دا
مخليني طائر في السما كدا، أومال بقي لو شرف الصحبة؟ دا موضوع تاني عشان كدا
محدث هيعرف يوصل للناس دي؛ لأن هما جمعوا كل الشرف رضي الله عنه
وارضاهم طبعاً فاكرين لما خدنا في غزوة حمراء الأسد غزوة حمراء الاسد لما الصحابة
طلعوا من غزو احد، وفي نفس اليوم تاني يوم تاني يوم النبي عليه الصلاة والسلام
يقول لهم يلا هنروحوا غزوة تانية علشان نحارب ابو سفيان في حمراء الاسد قالوا له
يلا بنا كلهم طلعوا ما متخلفش عنه واحد. ربنا أنزل ثناء عليهم

قال -تعالى- :

{الَّذِينَ اسْتَجَابُوا لِلَّهِ وَالرَّسُولِ مِنْ بَعْدِ مَا أَصَابَهُمُ الْقَرْحُ لِلَّذِينَ أَحْسَنُوا مِنْهُمْ وَاتَّقُوا
أَجْرٌ عَظِيمٌ}•(172)

{الَّذِينَ قَالَ لَهُمُ النَّاسُ إِنَّ النَّاسَ قَدْ جَمَعُوا لَكُمْ فَاخْشَوْهُمْ فَزَادَهُمْ إِيمَانًا وَقَالُوا حَسْبُنَا
اللَّهُ وَنِعْمَ الْوَكِيلُ}

[آل عمران: 172&173]

{فَانْقَلَبُوا بِنِعْمَةِ مِّنَ اللَّهِ وَفَضْلٍ لَّمْ يَمَسَّ لَهُمْ سُوءٌ وَاتَّبَعُوا رِضْوَانَ اللَّهِ وَاللَّهُ ذُو فَضْلٍ
عَظِيمٍ}

[سورة آل عمران: 174]

الآيات سبحان الله فناء رهيب لو قال لك النجوم ده الآيات اللي ربنا قال فيها عن الصحابة مش هنخلص بس الوقت إيه؟ عايزين نلحق نقول اللي نقدر عليه النهاردة تمام؟

النبي عليه الصلاة والسلام بقى مش عايز اقول لكم كان بيحب أصحابه إزاي يعني يعني طبعاً شفتكم في السيرة كان بيحبهم إزاي إزاي كان ... بالصغير والكبير وكان بيراعيهم وكان بيسامحهم وكان بيعلمهم كان بيحبه جداً ويبكي بكاء مريـر على موت واحد منهم وكل واحد فيهم كان كنز بالنسبـاله وكل واحد فيهم كان صاحب بجد

يعني يقول لك إيه ما ينساش يقول لك يا بخت من صاحبه راجل صح؟

الأمثال مش عارف يقول لك يا بخت من صاحبه راجل تخيل بقى فعهد سيدنا النبي عليه الصلاة والسلام للصحابة، يعني مش بيقولك بقى صاحبه راجل ده عنده الاف الآلاف عشرات الآلاف كلهم كل واحد فيهم أمة لوحده ده يعني هنيئاً للصحابة طبعاً صحبة النبي عليه الصلاة والسلام اكيد يعني وهنيئاً للنبي عليه الصلاة والسلام ورزق ربنا لهذا الجيل

الحقيقة إن ربنا اختار له الجيل دوت لا يمكن إلا أن يكون إختيار من الله أن النبي يبعث في الناس ديت ويكونوا قومه هذا محض استقامة من الله سبحانه وتعالى

إبن مسعود بيقول كلام رائع عن الصحابة خـلينا نرجع تاني لابن مسعود يقول من كان مستنـا فليستـن بمن قد مات نعم فإن الحي لا تؤمن عليه الفتنة

هؤلاء أصحاب محمد وسلم هؤلاء أصحاب محمد صلى الله عليه وسلم كانوا ابر هذه الامة قلوباً كانوا ابر هذه الامة قلوباً وأعـمقهم علماً وأعـمقهم علماً وأقلهم تكلفاً واقـلهم تكلفاً اختارهم الله اختارهم الله اختارهم الله بصحبة نبيه صلى الله عليه وسلم واقامة دينه فاعرفوا لهم حقهم فاعرفوا لهم حقهم وتمسكوا بهديهم فإنهم كانوا علي الهدى مستقيماً

اللهم بارك فإنهم كانوا على الهدى المستقيم ، اللهم بارك

و النبي عليه الصلاة والسلام بئاً كان بيحبهم حب غيروا مش عايز اقولك بئاً يعني انا ما اعرفش قد إيه كان النبي عليه الصلاة والسلام بيحب أصحابه تمام؟ لدرجة إن هو يجي لواحد يقول له أنت أنت مني وأنا منك يعني من كتر حبه تمام؟ ويديني الواحد منهم يدفنه بأيده عليه الصلاة والسلام من كتر حبه تمام

و يدفن واحد يقول يا رب فارضى عنه يا رب ارض عنه يا رب

ادي واحد تمام؟ ويقول صحابي أشبعت يا جعفر بيقول له اشبعت حلقي وخلقي
يقول لعلي ابن طالب انت ختمي وابي ولدي ويقول لي زيد ابن حارثة أنت أحب
الناس إلي كذا قعد يوزع ألقاب يقول ل زير الحواري وانت حواربي تمام

ويقول عن حمزه أسد الله وأسود رسول الله صلى الله عليه وسلم القاب القاب ألقاب
إليه الجمال دا

في حد بيوزع ألقاب لأصحابه بالشكل ده؟ بحب عالي جدا تمام النبي عليه الصلاة
والسلام بيوزع العشرين على كل واحد لوحده تمام؟

وهنشوف في المستوى الثالث حاجات من كده كتير قوي بئأ يعني انتظرونا يعني
قال عنهم عمران ابن حصين قال صلى الله عليه وسلم بص بئأ قال صلى الله عليه
وسلم خير الناس خير الناس قرني يعني دين الصحابة ثم الذين يلونهم ثم الذين
يلونهم

الكتاب بيقول القرون المفضلة كلها القرون المفضلة الخيرية جيل الصحابة جيل
التابعين هو الي كان صحابي فقال هو الي خاتم هنا عليه الصلاة والسلام

فجاي هو الي ساب صحابي كذلك هو الي خد السجاير فما شافش القحارة

ثلاث أجيال دول أفضل ثلاث اجيال مروا على الأمة عشان كده بنقول هو ده الي
بناخد منهم الدين فدائماً اي حاجة بنقول للبيعة إزاي؟ نقول هل كان
الصحابة والتابعين والتابعين عملوا الكلام ده عملوه وبقا سنة ما عملوهوش يبقى
بدعه على طول وما تفكرش تمام؟

النبي عليه الصلاة والسلام بيقول بقى عن الصحابة الكرام بصالنجوم النجوم
آمنة في السماء النجوم آمنة في السماء إذا ذهب النجوم ات سماء لا توعد

{إِذَا الشَّمْسُ كُوِّرَتْ (1) وَإِذَا النُّجُومُ انْكَدَرَتْ (2) }

[سورة التكويد: 1 إلى 2]

مش هتصدقوا الكلام دا اتقال ل مين هقول لكم القصة وبعد كده إيه هتفهموني
في المرحلة بتاعت صح الحديبية كان في امان بين المسلمين والمشركين ف لسبب
..... ابو سفيان راح المدينة راح عادي عايز يقابل النبي عليه الصلاة والسلام فدخل
المدينة فاستقبله ابو بكر الصديق أبو بكر الصديق كان عايز يألف قلب ابو سفيان
ف بدأ يكبره يعني نوعاً ما وبيعامله باحترام شوية علشان يمكن ربنا يهديه

المهم الي حصل بقى نصيب ابو سفيان قابل بلال وصهيب وسلمان ودول إيه فلما تهيب و بلال شافوا ابو سفيان قعدوا يفكروه بالانتصارات الي انتصروا بيها على قريش وقالوا له والله ما أخذت سيوف الله من عدو الله مأخذها اعملوا له إحنا كنا عايزين نعملوا معاكم اكر من كدا بس يعني إيه ما رضيناش نعمل اكر من كده وفكروا بقى اتبدت والكلام دوت

طبعاً كلمة ابو سفيان ما يتقاليش كلمة زي دية يعني توجعه أنت كده بتفضيه فانت بوظت النظام و بوظت الخطه انا قاعد أكبره ربنا يهديه وأنت تروح قايل له كلمة زي دي فدافع عنه قدام الصحابة بنيته ان ربنا يهديه فقال كيف تقولون هذا لشيخ قريش وسيدهم سيدنا زعق للصحابة يعني إيه؟ خضهم شوية يدافع عن ابي سفيان وهو نيته الدعوة

المهم خد سفيان وراح بيه للنبي عليه الصلاة والسلام الي حصل بنا إن هو إيه ؟ إن هو بعد كدا وقف عايز يعاتب نفسه إزاي أنا قولت كده و إزاي..... واعرف ابو بكر من ابو بكر حته تانية بس هو عايز يعاتب نفسه إزاي أنا قولت كدا ما الي زيه شوية ايه الي انا عملته دوت؟ دا أنا اخرجتهم قوي كان نفسي أقول لهم كده برضو مهما كان ف راح للنبي عليه الصلاة والسلام وحكى له القصة أنا يا رسول الله عملت واحد اتنين ثلاثة ومن ساعتها وانا مضايق من نفسي ومش عارف اعمل ايه بس انا كان نيته دعوة أبي سفيان وبتاع فقال ابا بكر بص بقى النبي عليه الصلاة والسلام عمله إيه؟ لعلك اغضببتهم يا أبا بكر لعلك اغضببتهم فقال يا رب إن اغضببتهم فقد اغضببت ربه فقد اغضببت ربك أبو بكر

أبو بكر دا أبو بكر يقول الي يقوله مين يقدر يزعل مع أبو بكر الصديق

حتى أنت يا أبو بكر ده لو اعتقت بمال ... ربنا يقدر عليك ابو بكر جري جري بيدور على اصاحبه لغايه ما لقاهم فقال في يا اخواني أغضببتكم ، زعلانين مني قالوا لا يا أبوبكر غفر الله لك احنا فاهمين دا إيه و خلاص محصلش حاجه في حته تانيه خالص

حاجة حاجة يعني أمر تانية خالص لو اتكلمنا بقى يعني لو اتكلمنا بقى على بعض الأنصار مثلاً بس ، المهاجرين طبعاً في حته تانية الأنصار بقا الكلام عليهم كثير قوي يعني

النبي قال عليه الصلاة والسلام بيقول من أحب الأنصار أحبه الله ومن أبغض الأنصار ابغضه الله

وقال عليه الصلاة والسلام لا يبغض الأنصار رجل يؤمن بالله واليوم الآخر يبغضهم
مش يسبهم يبغضهم بس ويبغض الانصار رجل يؤمن بالله واليوم الآخر

و قال عليه الصلاة والسلام إن الأنصار قد قضوا الذي عليهم عملوا الي عليهم و
زيادة طبعاً إحنا شوفنا الأنصار عملوا إيه عملوا غزوة بدر دي بتاعة الانصار الانصار
قلبوا الموازين في الغزوة بدرعن طريق سعد بن معاذ رضي الله عنه وارضاه
الأنصار مواقف لا تنتهي ما بين مهاجرين دخلوا المدينة كانوا عايزين يدوهم الاراضي
بتاعتهم يدوهم التانيين لولا المهاجرين رفضوا قالوا لهم خدوا خدوا الأرض بتاعتنا
خدوها خدوا الشجر بتاعنا

النبي عليه الصلاة والسلام راح المدينة النبي عليه الصلاة والسلام ولا لا مش عايزين
كده إحنا بنشتغل عندكم وتدونا بئاً إيه تشاركونا في الثمرة كأنا شركاء انا بالعمل وأنت
بالارض ونبقا شراكه في الإيه؟ في الثمرة

وعارفين طبعاً إن إن سعد بن الربيع عرض على عبدالرحمن بن عوف نصف ماله
سعد بن ربيع عرض على عبدالرحمن ابن عوف نص ماله يديهوله رفض عبدالرحمن
بن عوف

قال وأنا آمنة لأصحابي فإذا ذهبت أتى أصحابي ما يوعدون ، واصحابي آمنة لأمي
فإذا ذهب أصحابي أتى أمي ما يوعدون إذا ذهب أصحابي أتى أمي ما يوعدون

فعلاً بعد موت الأصحاب دبت البدعة في الأمة في على الخوارج القدرية ومعتزلة
مشفناش نور من ساعة موت الأصحاب رضي الله عنهم وارضاهم صح

الصحابه كانوا أمان للأمة دول كانوا بيحفظوا الدين وكانوا حائط صد قدام اي ضلال
أو مبتدع

وبالتالي بعد موت الأصحاب خلاص ما عاد هناك ما عاد هناك أمان للأسف وقارئ
الحمل كبير على من بعدهم يحملوا هم هذا الإيه؟ هم هذا الدين النبي عليه الصلاة
والسلام يا جماعة كان في أحد الي إيه المتأخرين تمام تعلمون يعني الصحابه الكرام
منهم الي تأخر إسلامه ف النبي عليه الصلاة والسلام حصل مشاد كده بين أحد
الصحابه الي تأخر إسلامه وبين عبدالرحمن بن عوف

النبي عليه الصلاة والسلام غضب غضب قال لا تسبوا أصحابي لا تسبوا أصحابي
فلو أنفق أحدكم مثل جبل أحد ذهباً ما بلغ ما بلغ مد أحدهم ولا نصيفة

المد المد الي هو بين الكفين يعني لو أنت عارف أنت جبل أحد كده في العمرة عامل
له إزاي لو جبل أحد ده اتحول لذهب وأنت خدت الذهب ده فرضته في سبيل الله

كله ولا تعرف توصل للاجر اللي خده الصحابي وهو بينفق مد من تمر ولا مد من شعير شوية قد الكفين دول ليه؟

لان المد ده اتأسس به الاسلام اللي هو في الآخر أنت بقيت مسلم بسبب كده فأصلاً انفاقك للذهب هو فرع عن المد اللي انفقه الصحابي

انت أصلاً في ميزان حسنات الصحابي يعني سؤال إزاي نسبق إحنا كمصريين مثلاً؟ إزاي هنسبق عمرو بن العاص؟ قل لي أنت بقي إزاي نسبق عمرو بن العاص؟ وهو كل واحد مصري في ميزان حسناته مهما عملت أنت بتزود في ميزان حسنات عمرو بن العاص

أنت واحد من مليارات في ميزانه هتسبقه أمتي؟ إزاي؟ إذا كان اللي فتح مصر مباراة خسرانه من البداية طب معلىش دا عمرو بن العاص رضي الله عنه وارضاه أتاخر إسلامه جدا تأخر إسلامه جدا ، دا أسلم ما بين الحديبية وما بين فتح مكة أمال عمر بن الخطاب اللي بعده بقي؟ الاصل هو بعد عمرو بن العاص هيسبقه إزاي لكن ده بقي كل يعني الكوكب كله تقريباً في ميزان حسناته دا فتح الفوس و الروم وافريقيا طب ليه؟ طب أبو بكر بقي اللي هو أصلاً ده أول واحد وأسلم على أسره الصحابة أنفسهم في ميزان حسنا أبوبكر الصديق

هتعمل ايه معاه ، هتعمل إيه انت في السابقين الأولين وكانوا نصف المهاجرين اللي بسببهم اتأسس الاسلام إزاي سعد ابن معاذ اللي أصلاً المدينة كلهم في ميزان حسناته اللي هما بعد كدا فتحوا الدنيا

انت داخل فين؟ أنت إزاي تسب واحد من الصحابة؟ طب ما أنت لو عملت جبت اخرك مش هتوصل ل ملئ كفيه من انفاق الصحابي في غزوة

إن الغزوة دي هي دي السبب في اسلامك دلوقتي لذلك كان يدافع عنهم عليه الصلاة والسلام عارفين؟ هقول لكم حاجة مش هتصدقوها مش هتصدقوها فعلاً أنتم عارفين أصلاً أصلاً إن النبي عليه الصلاة والسلام قال في حديث إن اللي يغضب صحابي يزعله بس ربنا يغضب عليه اللي يغضب صحابي بس ربنا يغضب عليه

من شدة البكاء وقالوا رضيونا برسول الله رضيونا برسول الله حظاً ونصيباً ما زال قبره عليه الصلاة والسلام في المدينة شاهداً على هذا الوفاء وكان رضيماً بصحبة الأبطال في نهاية حياته كان ممكن يقول أدفنوني في مكة دخلوني مكة و أدفنوني فيها حقي بلدي وارضى وبيتي لكنه عليه الصلاة والسلام كان وكان يحب الأنصار كان يحب الأنصار جداً لدرجة ان هو دفن عند الأنصار واختار الله له أن يموت بين الانصار ولم يرحل إلى مكة بعد ما فتحت صلي الله عليه وسلم

..... غزوة بدر وفي بيعه العقبة الاولى و بيعه العقبة الثانية مواقف نبيله للأنصار طبعاً اخذناها بالتفصيل في سيرة النبي عليه الصلاة والسلام

إذا عرفت هذه الفضائل الجمه لأفكار النبي عليه الصلاة عرفت المصيبة المصيبة التي يقع فيها من يسب أصحاب النبي عليه الصلاة والسلام ، بس اليي يبغضهم بس النبي عليه الصلاة والسلام يقول لا تسبوا أصحابي لا تسبوا أصحابي فلو انفق احدكم مثل جبل أحد ذهباً ما بلغ مد أحدهم ولا نصيفه

وقال عليه الصلاة والسلام الله الله في أصحابي، الله الله في أصحابي، لا تتخذوهم غرَضاً بعدي، فَمَنْ أَحَبَّهُمْ فَبِحُبِّي أَحَبَّهُمْ، وَمَنْ أَبْغَضَهُمْ فَبِبُغْضِي أَبْغَضَهُمْ، وَمَنْ آذَاهُمْ فَقَدْ آذَانِي، وَمَنْ آذَانِي فَقَدْ آذَى اللَّهَ، وَمَنْ آذَى اللَّهَ فَيُوشِكُ أَنْ يَأْخُذَهُ

اللهم انتقم من الشيعة الذين سمون أصحاب النبي عليه الصلاة والسلام وقال عليه الصلاة والسلام ان الله تبارك وتعالى اختارني واختار لي أصحاباً فجعل لي منهم وزراء وانصار اشرار فمن سبهم فمن سبهم فعليه لعنة الله والملائكة والناس اجمعين ، لا يقبل الله لا يقبل الله منه يوم القيامة صرفا ولا عدلا صرفا ولا عدلا

والعلمة لهم كلام كثير في من سب أصحاب النبي عليه الصلاة والسلام

ذلك الإمام الذهبي يقول كلام خطير جدا يقول انما يعرف فضائل الصحابة من تدبر احوالهم ونكرهم ومسابقتهم إلى الايمان و المجاهدة ونصر الدين وإظهار شعائر الاسلام والاعلاء كلمة الله وتعليم الفرائض والسنن لولاهم ما وصل الينا الدين لا أصل ولا فرع ولا علمنا سنن ولا فرائض

ولا علمنا حديثاً ولا خبر فمن طعن فيهم من سبهم فقد خرج من الدين ومرق من ملة المسلمين لان الصعن لا يكون إلا عن اعتقاد في مساوئهم وادمار الحقد فيه وانكار ما ذكره الله تعالى في كتابه من سمائه عليه وفضائلهم ومناقبهم وحب

ولانهم ارجى الوسائل والوسائل من المنشور والطائف الوثائق

هم دول الوسيط بيننا وبين النبي عليه الصلاة والسلام

فالطعن في الوسائل الطعن في الاصل طعن في النبي نفسه عليه الصلاة والسلام والازدراء بالناقل ازدراء بالنقل

ازدراء بالناقل انت بتطعن بالنقل نفسه في الوحي وهذا ظاهر لمن تدبره وفهم من النفاق والزندقة والإلحاد في عقيدته هذا كلام الامام الذهبي

انظر إلى كلام الإمام احمد رحمة الله عليه قال ومن الحب الواضحة البينة المعروفة ذكر محاسن أصحاب رسول الله ثمرة سلمة كلهم أجمعين والكف عن ذكر مساوئهم والاعراض عن الخلاف الذي صدر بينهم فمن سب اصحاب محمد صلى الله عليه وسلم او واحدا منهم او تنقص او طعن عليهم او عرض بعينهم او عاب احداً منهم فهو مبتدع رافضي خبيث مخالف لا يقبل الله منه صرحا ولا عدلا

لأن حبهم سنة والدعاء لهم قرينة والافتداء بهم وسيلة والاخذ بأسرهم فضيلة

واصحاب رسول الله صلى الله عليه وسلم هم خير الناس لا يجوز لاحد أن يذكر شيئاً من مساوئهم ولا يطعن على احد منهم بعيب ولا منكر أما في مقالة الامام ابو زرعة الرازي أبو زرعة الرازي أحد أئمة الحديث الكبار يقول إن الله حق وإن القرآن حق وإن الرسول حق والذي بلغنا هذا والذي بلغنا هذا الدين هم الصحابة الذين يطعنون

عبدالرحمن بن عوف دول الأنصار يا جماعة

الأنصار اللي لما النبي عليه عليه الصلاة والسلام جاله ضيف مكنش معاه أكل للضيف علشان يضيفه ، قال مين يضيف الضيف بتاعي ؟ قال واحد من الأنصار انا ضيفه يا رسول الله ، راح لزوجته قال لها عندنا أكل قالت له ما عندناش غير العشاء بتاعنا وبتاع الاولاد قال لها نيمي الاولاد بنقعد الضيف ونعمل كأنا بناكل وأكل الضيف وراح الراحل للنبي عليه الصلاة والسلام قال عليه الصلاة والسلام لقد عجب الله من صدركما الليلة عجب الله وضحك الله من فعلكما بضيفكما

وهؤلاء نزل فيهم نزل فيهم

{ وَيُؤْثِرُونَ عَلَىٰ أَنْفُسِهِمْ وَلَوْ كَانَ بِهِمْ خَصَاصَةٌ }

[سورة الحشر: 9]

تمام؟

لذلك الأنصار يا جماعة أنتم عارفين إن أغلب اللي ماتوا في غزوة أحد أنصار وأغلب اللي ماتوا في غزوة بدر أنصار وأغلب اللي ماتوا بئر رضيع الانصار واغلب اللي ماتوا بئر معونة أنصار وأغلب اللي ماتوا في يوم حرب اليمامة مع مسيلمة الكذاب أنصار أنصار يا جماعة قضوا الذي عليهم بجد بجد ما ترددوا لحظة في نصره النبي عليه الصلاة والسلام

رغم إنهم كانوا بيعين بيعة العقبة بأنهم يدافعوا عنه داخل المدينة وبرا المدينة كمان والله لو سرت بنا الى برد الغماد من لجالدنا معك ما تخلف منا أحد وما نكره أن

تلقى بنا عدوًا غدًا إنا لصبر في الحرب، صدق في اللقاء، ولعل الله يريك منا ما تقر به عينك

الأنصار الأنصار الأنصار اقعد قول الانصار لحد يوم القيامة بحب الأنصار لأن حب الأنصار دين وايمان ومن أحب الأنصار هو مؤمن ومن أبغض الأنصار فهو منافق فهو منافق تمام؟

النبي عليه الصلاة والسلام كان يقعد يدعي لهم يقول اللهم لا عيش إلا عيش الآخرة اللهم أغفر للأنصار وللمهاجرة رضي الله عنهم وارضاهم

عارفين أنتم الموقف الرهيب اللي هنعكيه إن شاء الله هنعكي معنا بقى في في آخر السيرة لما نتكلم في غزوة حنين لما النبي عليه الصلاة والسلام وزع غنائم غزوة حنين والطائف والكلام ده على المسلمين الجدد اللي هم أسلموا بعد فتح مكة وما داش الأنصار والأنصار وما ادهاش ليه؟ ف زعلوا وجه سعد بن عبادة إلى النبي عليه الصلاة والسلام قال له يا رسول الله يعني أعطيت قومك الغنائم وما عطيتش الانصار حاجة ف النبي عليه الصلاة والسلام قاله إيه اجمع لي الأنصار اجمع لي الأنصار لماذا؟ فجمع له الأنصار وقام فيهم خطيباً عليه الصلاة والسلام

قال ... الانصار ما قال كم بلغتني عنكم إنما سمعت الاول وجدا وجدتموها علي في أنفسكم زعلانين منه عشان ما اعطتكمش من الغنائم يا معشر الأنصار فلم اتكم ضللاً فهداكم الله بي وعالة فاغناكم الله بي واعداء والى الله بين قلوبكم قالوا بلى الله ورسوله امي وافضل قال اجيبوني يا أنصار اجيبوني يا معشر الأنصار قالوا بما نجيبكم يا رسول الله

قال لو شئتم لقلتم ولقلتم لصدقتم وصدقتم قولوا اتيناها اتيتنا مكذبا فاويناك. ومخلولا فنصرناك. وفريضا ف أويناك وعائلا فوافيناك يا ناصر الانصار. وجدتم في انفسكم علي في لعاة من الدنيا تألفت بها قوما يسلموا ووكلتكم إلى إسلامكم ؟ ألا ترضون يا معشر الأنصار؟ هي دي ألا ترضون معشر الأنصار؟ ألا ترضون يا معشر الأنصار؟

أن يرجع الناس أن يرجع الناس بالشافي والبعير وترجعون أنتم وترجعون أنتم برسول الله صلى الله عليه وسلم والذي نفسي بيده والذي نفسي بيده والذي نفسي بيده لولا الهجرة لولا الهجرة ما كنت إمري من الأنصار لو سلك الناس شعباً وسلك الانصار شعباً لسلك الأنصار اللهم أرحم الانصار وأبناء الأنصار وأبناء أبناء الأنصار قال فبكي القوم حتى ابتلت لحاهم بكي القوم حتى ابتلت لحاهم

والذي بلغنا هذا الدين هم الصحابة.

يريدون أن يطعنوا في الصحابة يريدون أن يطعنوا في الدين، يريدون أن يطعنوا في الدين مش الشيعة بس اللي بيتكلموا على الصحابة ،العلمانيين اللي بيطنعوا الصحابة، اللييراليين اللي بيطنعوا الصحابة اللي بيتكلموا بلسان المسلمين وبيدعوا إن هم من أهل السنة ويقعدوا يستهزئوا بأبوهريرة. ويستهزئوا بابن عمر وابن مسعود عشان يهدموا الدين.

قال فالذين يطعنوا في الصحابة يريدون أن يجرحوا نقلة الدين والجرح بهم أولى فهؤلاء هم الزنادقة فهؤلاء هم الزنادقة.

شوفت الكلام جامد إزاي؟

الكلام مفيش هزار لما تيجي تتكلم عن الصحابة مفيش هزار هؤلاء ناس هم مش معصومين بيغلطوا بس إحنا نقول أخطائهم كنقطة في بحر الحسنات.

وإذا بلغ الماء كلتين لم يحمل الخبث وقد رضى الله عنهم رغم ما هم عليه رغم أنهم أخطأوا بس في النهاية مجموع حياتهم رضى الله بذلك عنهم انتهى الكلام.

لذلك ربنا قال ايه؟

قال في سورة الحشر ﴿وَالَّذِينَ جَاءُوا مِنْ بَعْدِهِمْ يَقُولُونَ رَبَّنَا اغْفِرْ لَنَا وَلِإِخْوَانِنَا الَّذِينَ سَبَقُونَا بِالْإِيمَانِ وَلَا تَجْعَلْ فِي قُلُوبِنَا غِلًّا لِلَّذِينَ آمَنُوا رَبَّنَا إِنَّكَ رَءُوفٌ رَحِيمٌ﴾ [الحشر: ١٠]

الي هو إحنا وكل من جاء بعد الصحابة والذين جاءوا من بعدهم يقولون ايه؟ ربنا اغفر لنا ولإخواننا الذين سبقونا بالإيمان ولا تجعل في قلوبنا غلا للذين آمنوا ربنا إنك رؤوف رحيم.

فحنا نتغاضى عن ما شجر بين الصحابة والفتنة التي وقعت بين الصحابة ونعلم إن ربنا نزع ما في قلوبهم من غل

ونقول لا تجعل في قلوبنا غلا للذين امنوا وانتهى الكلام وأخطائهم نقطة في بحر حسناتهم لم يبق لهم عندنا إلا الترضي والترحم ومعرفة أقدائهم فهذا من حب النبي عليه الصلاة والسلام ومن معرفة حق الله سبحانه وتعالى فهذه هي المقدمة كل دي المقدمة بين يدي ذكر قصص الصحابة الكرام إن شاء الله من اللاييف القادم الجمعة القادمة بإذن الله تعالى نتكلم في أول صحابي هنتخاره وخليه مفاجأة بقى إن شاء الله بعد ما ذكرنا المقدمة المشوقة دي أرجو إن هي تكون مقدمة مشوقة.

وانتظروا بقى الحلقة الاولى والصحابي الأول الي هنتخاره رضى الله عن الجميع.

جزاكم الله خيراً. اللهم احشرنا مع اصحاب النبي عليه الصلاة والسلام.

اللهم إنا نشهدك يا رب أننا نحب رسول الله صلى الله عليه وسلم ونحب الصحابة الكرام وخاصة أبو بكر وعمر وعثمان وعلي وإنا نسألك يا ربنا بحبنا للصحابة أن تحشرنا معهم يوم القيامة وأن تتجاوز عنا وأن تغفر لنا وأن تلحقنا بهم بحبنا لهم وإن لم نعمل بعملهم اللهم آمين .

اللهم جاز عنا أصحاب محمد خيراً اللهم جاز عنا أصحاب محمد صلى الله عليه وسلم خيراً اللهم جازيهم خيراً ما جزيت أصحاب نبي عن النبي. اللهم أرفع درجاتهم في الفردوس الأعلى وألحقنا بهم يا رب العالمين وصلى الله وسلم وبارك على سيدنا محمد والحمد لله رب العالمين.

السلام عليكم ورحمة الله.

جزاكم الله خيراً.

ربنا يبارك فيكم ويرضي عنكم.